

集部

欽定四庫

全書等 忠移集卷五

主事臣吕雲棟覆勘 膳 绿監生臣龍幹耕 胀 録貢生臣李憲喬

詳校官庶古士臣明圖禮

行此中更不留人臣 内尚書省直筆留 后欲行六宫合留行在 今若不留直筆之類 呂頤浩 撰

金灯 陰為避敢之計如曾林尚疑之况無知之民乎今不量 執政商議此事有合奏陳者陛下以隆祐太后及先朝 策也然近日議者多以為陛下雖有固守建康之詔而 房院人數稍多痛懲二月間倉猝之禍遂先遣行誠得 己奏令內侍權管內省職事深屬不便臣即至都堂與 內省職事令何人掌管蒙聖訓欲令內臣權管臣即時 内军之職自成周有之董正女御之屬今內尚書掌 分嬪御留行在則民心不固流言紛紛此不可一也魚 卷五

賜春察 與外人不相見故號令嚴謹若令內臣權管深恐不容 出四方奏牘及臨時處分亦自古設官之制宫禁峻深 在此以安人心及分撥內尚書直筆在此以嚴命令气 亦恐不可開端此不可二也伏望聖慈詳酌少留六宫 冕旒之聽是以踟蹰累旬未敢陳述欲隱忍不言復恐 久己日年白与 臣有迫切之態久欲仰冒天聰然朝夕思念深懼輕賣 論乞移蹕平江府狀 忠穆朵

與諸大將兵屯去處相近指麾號令事勢順便漸圖 懷情不盡上誤國事身為舊弱仰荷陛下思遇之深既 白灰山 嚴為畏備惟建康之為郡與偽境相去容過敵人用兵 原此上策也然自三月至八月敵人騎兵弓弱馬瘦之 有所見豈敢緘黙不言臣竊見今年二月間移興建康 能避實擊虚既知韓世忠與張浚兩軍人馬精鋭分屯 際既未能與事今已秋深矣正敵騎得志之秋不可不 楚泗兩州必引兵西去由上流渡江敵騎所向如飄風 Ĺ 卷五

緩急不至狼狽進退不至倉黃候來春復幸建康乃萬 法漢高祖唐太宗之事願明詔大臣熟議於九月下旬 康斤堠採報安可及哉萬一奔衝兵馬踩践倉猝顛沛 驟雨之來朝發太平州上下州軍午未之間已馳至建 舉萬全之計乘與永無後患之策也臣項在河北與金 且移蹕平江前倚陂湖沮洳之險背員松江長橋之阻 長慮却顧天下幸甚且陛下近降指揮改駐彈為巡幸 又如在楊州時不可不防也伏望聖慈為宗廟社稷計

大きつる シエー

忠穆某

常恨無以報國輕貢夠養之言仰析天造貸其萬死臣 蒙聖慈浩然開納進幸温台等州是年金人渡江聖駕 往來远無幾擾之患前事未遠龜雖昭昭雖敵兵未必 深賜洞察臣昨於建炎三年蒙陛下擢任左僕射是年 無警報此尤不可不處安危之機國之大事仰其聖明 四月扈蹕往建康至八月下旬懇告陛下巡幸浙東仰 人相持累年熟知其情大緊善示弱善該伏若近日別 至江然在我之計思患預防不得不然也臣衰病餘生

人こうら ニトラ 緣事闢利害輙有愚見冒昧塵述夫王師纔渡江便有 報之詳無由係具備禦之計而數日來收宰相趙禹書 身無以論報臣自聞豫賊與金人入邊以來緣不知探 無任激切之至 云敵騎尚留准甸詐不可測又得右軍統制張俊及 臣歷官四朝蒙國厚恩仰荷陛下春遇之深錐靡骨粉 二掌兵官書云將士之心皆願悉兵過江與金人接戰 論邊防機事状 忠穆集

艱阻魚黃河自來難行舟船則齊人所儲糧食必不廣 運所出自來止籍東平濟南府及淄青德博等數州而 必勢窘何以知之盖京西及徐毫諸郡全未有耕鑿糧 我師易進難退不可不審也寫料敵人二三月間糧盡 全人口工 數年以來劉豫父子雖於南京淮陽軍陳賴數州積聚 大禍福何以言之蓋淮南之地金之騎兵可前可却 已今偽齊漕運由北清河诉流至齊州山口鎮原注 自山口鎮入黄河經由徐州淮陽軍轉漕入淮極為 HILL (1) 而

文の Dial Aiki 王幹喇布皆已物故今次南來者達實郎君四太子臣 退併力追襲此萬全之策也金人大師如洛索扎木國 人弓健馬壯之際且敕諸大將謹守江岸埃其糧盡欲 敵深入吾境此天亡之時也顧陛下於此冱寒之時金 資儲然供給敵軍今已數月非久軍食必盡糧食既盡 食相須豫賊不知用兵之策而金人独於常勝不知慮 必獲大捷兵法所謂料兵等食古之善為将者常以兵 必謀退去但明遣探報候其欲退分遣精鋭追襲掩擊 忠榜集

察 所向尤宜隄防也臣螻蟻之情不勝憂憤之至仰乞照 便有大禍福者盖用兵之法要在知彼知此金人因大 勇然四太子所統部曲比之達齊極衆且精鋭四太子 臣契勘樂敵之計臣已條具其畧臣所謂王師纔過江 在照山府皆聞之達養有謀而怯戰四太子乏謀而麤 及中國太平日久民不知戰遂致縱横又外國之性 再論邊防機事狀

金好四月全書

熟計之今已成盡但乞謹守長江侯來年金人欲退之 顧危亡之衆决一旦之勝負哉自有萬全之策望陛下 國家自渡江之後數年以來陛下宵衣旰食竭力養兵 國人民使之先登冒犯鋒鏑何當有爱惜兵民之意哉 惟知附殭昨金人既得志於此地諸羌附之乃驅率諸 時須明遣探報選差大將揀擇精銳急急追襲若乗勝 近方聚得戰兵十五萬器甲粗足豈可容易渡江與不 可前引兵至南京亳州界以撼汴京則劉豫父子必震

たこりられる

忠穆集

寧勵智不能勵力者此也臣年老衰病識見蹇淺憂國 謂彼出我入彼入我出不過三數年間中原之地黃河 之來年七月間我乃班師過淮以待次年再出兵法所 恐北走惟不可殺人不可劫掠續觀兵勢相去遠近若 王師尚可北去即長驅至汴京既到汴京選差土豪守 之心不能自己乞賜屠察 以南必先為我有矣臣所謂萬全之策漢高祖所謂吾 論乞定駐蹕之地狀

臣契勘金人自建炎二年引兵渡淮三年正月遂直走 中引兵逼江今復稍退此皆天祐本朝聖德昭格之所 揚州去年十月以大兵分路渡江皆有深意近者蕭顧 創中與之業代願陛下發中與之誠心行中與之實事 致也夫金人本年既不渡江則諸事可以措手矣將以 将兵順流而可下漕運不至於艱阻然後速發大兵 今當先定駐蹕之地據都會之要使號令易通于川陝 頭項往江西湖南以平羣冠一頭項往池州至建康府 忠身具

得務耕桑則大江以南在我之根本立矣然後來大暑 處置已就招安尚懷反側之人於明年二三月間使民 軍沂州入家州以搖青耶命張波躬親統兵由河中府 根本不可立而日後之患不可勝言矣臣嘗觀自古有 之逡巡過春夏則金人他日再來不惟大江以南我之 王師有收復中原之意則中與之業可觀也若不速為 入絳州以撼河東栗兩路餘民心懷我宋未泯之時知 '際遣精鋭之兵與劉光世渡淮掎角而北去由淮陽 1. The

為之君將以取天下者弗躬弗親則不能戡禍亂定海 スペンリー・ハード 昔時之强壮也日望陛下賜骸骨而歸所幸未填溝壑 内伏望聖慈考漢高祖馬上治之之跡法唐太宗櫛風沐 臣昨日留身奏事仰蒙聖諭朕欲親幸軍管按視諸将 十餘年今者年逾六十近在軍中項覺筋力衰億非復 之前一見中與之業爾乞賜春察 雨之事速圖之不可緩也臣在西北二邊出入行陣二 論車駕桑馬事状 忠珍果

之舞解平城之圍也昔周武王師剛孟津左仗黄鉞右 平之際必欲備法駕具儀仗非此不行是猶欲以干戚 竊以方今天下多難乃用武戡定之時馬上治之之日 常州緣諸軍陸路不易遂登斯乗馬欲與衆人同艱辛 多少口匠 **東白旄載於經籍未聞有非之者漢文帝親屈帝尊往** 教習陣隊而前此宰執力陳不可近日自杭州舟行到 按行營陣出入御馬乃其宜也而儒士書生尚欲依太 而范漴又以為不可緣此欝欝臣仰聞聖言不覺感歎 卷五

漢故都至灞上道路約五六十里計具往還必須三两 **履危冒險不當馳騁吸獵不當身屬秦雜若按視軍營** 德皆聖人英武之畧但陛下今日不當親臨戰陣不當 先登率史大奈秦叔寶經麾幟馳出賊陣後遂擒實建 來於棘門彌上細柳營勞軍以今觀之自咸陽東南西 如榆窠園之後與單雄信親角勝負虎牢之戰帝麾軍 日是時臣僚亦不以為非唐太宗躬擐甲胄平定禍亂 跨馬何損於治哉臣願陛下以剛斷為心以神武 公司を

幸甚 意備詢問爾大潘非臣素不識之但曾召至都堂觀其 為人有口辯善談論然舉止輕儇議論押闆政如聖訓 辨公事面奉聖訓令說與李愿潘棐比因上殿觀其為 為事勿拘俗儒之論自為鬱欝以圖中與之業臣不勝 臣前日與宰執進呈潘棐差充川陝宣諭官李愿下幹 (頗輕浮不可全信此行私以棐久在西方知川陝人 論點浮薄之士狀

金好四月至書

事曾不能出口豈效嗇夫喋喋利口今以嗇夫口辯而 毅木的重厚寡言具輕像辯捷之人聽其言雖可喜使 传豈能少逃於聖鑒臣嘗觀自古立功立事之人皆剛 龍任裴延齡每奏對怨為詭誦皆衆所不敢言延齡處 際尤不敢忽昔張釋之對漢文帝以謂絳侯東陽侯言 臣與宰執退而仰數齊照精明以此推之人之才否忠 超速之恐天下風靡不可不察釋之之論是矣唐德宗 てこうら ここ 之臨事非惟鮮克有濟亦往往至于敗事故自聴言之 忠總集

故親厚之章渠年形神浮躁有口辯德宗親信之此二 覆邦家者此也臣願陛下日後引對臣僚之際更加詳 而退點輕儇浮薄之士使小人不得問君子則可以 審察其趣向而用之庶幾所進擢者皆重厚沉毅之人 人者皆以辯捷變亂是非唐政不綱孔子謂惡利口之 功立事協濟中與之大業矣臣不勝拳拳之至 不疑德宗雖煩知其詭請但一好該毀人其聞外事 論乞於邕州置買馬司狀

莫如馬遂鑄銅馬式於魯班門外號曰金馬門又西漢 曠野敵人騎兵衆而中國騎兵少故也昔馬伏波於交 來中原之兵與金人相持未交鋒而輕奔潰者以平原 騎之地騎兵之一可禦步兵之十山林川澤出入險阻 元行以後不復擊匈奴者以漢馬少故也恭惟陛下臨 趾得駱越銅鼓乃鑄為馬式因表曰行天莫如龍行地 乃用步之地步兵之一可禦騎兵之十自金人南牧以 臣世為北人聞諸宿將皆曰平原淺草可前可却乃用 出事集

出 宏通祭雅等州日進綱馬節次到來諸軍頗以謂堪備 塞不常戰馬難到行在惟廣西一路與西南諸蕃接連 金月口匠 樂桿殭敵經理中原較量輕重十萬無或可報那所有 御以來留意馬政然関陝諸州半陷敵中四川道路通 重中國絹帛每歲不惜十萬練可以買馬數千匹今欲 臣僚一員充提舉官收買綱馬昇勘四川春鳳路祖宗 以來以茶易馬故川路各有茶馬司竊聞西南諸蕃貴 入行陣欲望明韶有司於邕州置買馬司差有風力 白檀 T.

世間變故人事情偽盡能知之而驅馳蒙犯非為克堪 行 アニラシ 謀而又謂老者不以筋力為禮蓋以其歷年久更事多 起發綱馬事乞命有司採訪秦鳳路茶馬條法參酌施 作誓亦曰詢兹黄髮則罔所愆昔人所以獨取老者之 林逐麋鹿則臣誠老若使坐而策事則臣尚少秦穆公 臣聞周文王謂鬻熊曰先生老矣而熊自言以臣入山 乞依舊宫觀狀 彭粤集

鞍馬不畏霜露軍旅錢穀之編歷險阻艱難之備嘗今 将七十坐以待盡自意此生不復瞻望天日之光矣又 使人促召而臣卧病日久皮骨僅存氣息奄奄全不入 也臣昨蒙聖恩関其衰病退就開散以終餘齡而臣年 以老疾氣血既衰筋力憊矣雖欲奮不顧身竭盡犬馬 食形骸支離久立則仆寔已不可支吾再念平生喜於 况無謀可詢無事能策宣謂審慈記憐舊物宸翰屢頒 報陛下天地父母之恩而臣曉夜以思垂盡微驅固

金发口匠

13 Tame

とこうらん ノュュー 某皇恐頓首再拜某昨於宣和五年八月內當具奏燕 保全終始便臣致仕或依舊宫觀臣雖在林泉猶思結 重任恐員使令盡棄前功晚節掃地惟陛下眷遇哀憐 危始朝不保夕委是不能乘騎冲冒寒暑誠不敢極當 不足惜萬一有誤國家大事順命喪身死有餘責臣實 書 上時政書 忠寒

急五事以聞尋奉聖吉吕某所奏意有包藏情不可貨 捍禦公又渡河分道並入一道由青滄以趨德博自京 金人繁隙又甚於前日不待言而可知也若秋冬不能 山府一路開邊闊遠其勢難守及條具河北熊山路危 東東路西來原注以河北路京東一道由磁相濟滑南 月必侵邊十一月必大舉不蒙省察以今日之事料之 行遣並在朝廷去年二月到尚書省亦常陳述金人八 可先次落職如軍糧闕誤令宣撫使王安中枷項上件

金分四月五書

卷五

向不知朝廷何以支吾某伏思今日之計莫若遠斥猴 與契丹相持二十年今歲講和明年大戰前後反覆卒 戰膠擾不决又百官內少有知邊事誤臣陳畫利害致 來一道由河東趨西洛東來會兵於梁宋之郊徐議所 とこううとに 某官深思熟慮以保萬全蓋金人情其殭勇故示不測 圖此事誠不可忽去年秋冬間祗緣廟論不同或和或 令朝廷受禍天下痛心今日之事不容更有蹉跌伏願 明探報不入境即已懂或復來速避地於江外以為後 忠移集

不然赤壁之戰魏疆吳弱然而魏武大衂者江淮之間 遷避更無上策議者多以為靈與南渡必失中原是大 吞契丹今日之勢講和亦不可恃敌戰則力不逮若非 之後水面不過一二里又無水戰之具敢人渡河所以 人既能渡大河宣不能渡大江亦不然黄河水狹霜降 以勝也戰勝則勢張宣有失中原之理哉議者又曰敵 沮洳之地又有長江之險非北人用重兵之利此吳所 不能制大江則不然水面闊遠狹處不下七八里若於


金少巴尼

1:1711111

邊我師遇之不待接戰而報奔潰不暇成列者盖平原 兵與我相持选勝送負我師未嘗如今日敗邸者以涇 先革此弊然後可以語戰無自然山之敗金人連二年 曠野步人不能抗騎兵故也某之意欲逐避者又以二 原環慶等路皆山險之地非騎兵所利故也自金人入 南岸預集水戰俟其半渡由南岸以輕舟戰艦順流而 下頃刻追及錐百萬之師可挫也且以夏人號為善用 ,) i. 十年童貫掌兵柄軍政畫壞賞罰不明人無鬬志所以).i. 忠房集

增修己不及矣伏顧發於誠心開悟天意先遷宗廟於 在近機事甚迫梁宋問諸州環地千里城壁不固雖欲 兵霍去病傳云自後更不議代匈奴者以無馬故也豈 逼境後來數路官私馬切掠已盡步人之勢終難抗騎 駕南來江淮地熱又馬無桿草必不能久留俟其既往 江外大駕且駐南京若無探報只駐南京萬一有警速 不可鑒哉獨望其官長慮却顧俯察愚夫之言况防秋 我復北去未為失計也兵法所謂彼入我出彼出我入

兵如何養馬如何選將佐如何修城壁如何備器械 兹誠今日備禦之策若乃江淮荆湖两浙等路如何 擇馬不勝戰恐之至某皇恐項首再拜 果衰病餘生夙荷知遇不忍緘默伏望恕其狂瞽而詳 何聚糧食此六者尤為今日急務惟速圖之不可緩也 又三切目公告 忠穆集 <u></u>



伏蒙寵記始生則以香幣夫何身在高位而不忘貧賤 |疊幅不能道萬分之一也非蒙城惠色羅今復有涇段 之交任兼将相而不遗外方守土之舊伴實元慶歷問 欽定四庫全書 韓忠獻范文正忠厚之風今日復見下情感佩雖重番 て、丁ラニニー 忠穆集卷六 書 與張德遠書 忠穆集 宋 吕颐浩 撰

咏燥吻霑濡泉石增輝山林改色自此始矣道阻且長 金分口匠石丁 其開居無所營為非於丹印東郊創園築室求詩為即 冬在候塞上鐵衣寒早有樂寒衣物數件軟以拜納 無由謁謝伏惟亮察荷蒙罷諭禅刹之旁借地為園此 公開居閩中 乃蒙不鄙愚陋寵惠兩篇調高陽春詞掩騷雅累日諷 以此近歲東南所無者區區不敢以多物效該顧初 與孝伯紀書 時此禮不敢廢是以塵流幸賜於亮 羝

承定居泉南婚嫁漸畢名邦繁會何樂如之其力醉兩 於物我達人大觀歎仰不已十二詠尤見製作之工依 放讀筆勢縱放欽服欽服 欠了可直公野 鎮朝廷從之惟少傅之除醉至六七引永叔差知太原 亦王子猷借宅種竹之意浮雲不繁於去留雅意孰分 除宣藏使改差知察州後帯觀文例方荷唇慈照察俯 和呈資千里一笑續貂之罪尚幸容恕上梁文得獲 與李漢老書 忠稅集

從愚願居開以來頗得社門修心養性之法此外無 言者比於東郊小圃棲止以狹隘伏熱涉夏即病近得 泊 弟所不及其他非面莫宪萬 深風露稍寒乃獲安健道夫簡重而誠實昨知台州 閩且二年 以為左右賀台明諸州昨苦愆九六月間得霖雨數 不擾雖治郡不久極有去思劉彦修警敏有才智 1 張全真書 兵智教令民安田畝千里八郡肅清無事 卷六 可

至丹却色味香俱未盡變北客所未常見歐陽永叔以 田有水潦之灾為思亦不廣也連年苦瘧痢今夏幸稍 佩高誼歲寒不忘之意元長以世德碩學個翔列外 閉退以來屏跡山郡親知書問因循不講忽辱垂教仰 謂荔枝果一絕牡丹花一絕誠可信也珍感珍感 尺歲已大熟得來問知福建亦遂豊稔惟常湖兩郡 但衰晚老態增甚蒙則荔子差來人由海道六日而 77.7. 7.15 與范元長書 热污集

承 時此公為内翰兼國史修撰兼知院事兼修國史比已 老即病四十年間忽忽如過隙良可慨數 養拙日益衰殘每念甲成同榜所存者僅四五十人 自得否其自前年初冬來丹印寓居無鄉問故舊社 年上之亦可雖洪儒大筆素所留意然勤勤可知矣甚 首付以此事 解不獲已頃在布本時 屢謁范純夫是 編次部令旁搜遠討漸已就緒若繕寫不辨且以十 與汪彦章書

金牙巴尼石電

恩具聞奏乞下禮部訂正庶不差至也 何 棲隐之地無由上状嗣深盛德大雅蒞官行已皆前輩 者連年疾病問退以來稍覺頑健城東小圃增植 塘江岸之别行且再期去秋蒙枉教翰尋以不詳 厚之風於故舊交契有綿抱戀戀之心豈勝感服其 木今春起屋三數問不輟攜稚子往游亦足以寓 懐荷嗣 與黄嗣 深愛念之至恐欲知衰老動止之詳也 深 書 目 ル

曷 **金灰四角全書** 善為文但榮見如此爾 聽覺必蒙情照兹辱墜教荷萬誼厚德不遗遐遠之意 旬 則 聞領師浙東念下車之初事勝繁劇不應以書尺流 銅梁劔閣不敢恃險以為難取而擊退賊兵也長安 可勝言公在詞掖翰苑累年文章妙天下昨吳孙制 各勝曰秦川驛成陽縣北門額曰成秦 驛東老素不 入作數聯造語警技竊原雅意以謂既失秦川之利 與綦叔厚書 卷六 學至今不廢讀書篤信忠厚第深數仰而每有放擬煩 風地乾比之丹却極高燥老者尤便但既欲歸與不可 寄惠住什佩荷桑梓之意颠依韻和呈浙東今蔵大熟 可為慶湖湘舊號果濕緣兵火後四何未有人煙通 在維揚同班列之次備見注措無不中理又高文博 惟幸速與德升尋鷄泰之約為樂爾 與李德升書 與康平仲書

何 書中重疊歷叙遠别依照之情亦不能盡登山臨水 言紛紛豈非天耶命耶或者輔相造物之垂耶然社 舒定匹庫全書 順序保番以副區區之祝 公與台守有嫌衰晚又不敢輕動遂阻良集甚來春 聞謫贬以居開不知所至無從上状但於令弟學士 久所養益純固居易俟之足矣温台相去四五驛 **鴈蕩不知車從可來山間僧寺為數日之数否他** 與劉彦修書 偶 欲

耶 之才周旋設施無往不可豈命有通塞而會發自有時 承偷寓松陽諸况安適念惟天下多事之時經濟有用 云聞命之初翩然就道不勝歎服會未數月己聞包 神 蒙諭二月未欲為天台之游謹不出以俟文取之 誠信可以動金石之明驗也他惟将愛以副願言 揮此乃聖主記功有過之厚恩次則忠義可以感鬼 然煩調吾友氣禀剛大臨患難必不憐繼以令弟 與沈元用書 1.1. 記房集 便

金牙巴及石雪 之盖聖德昭格天将悔禍也衰老待盡於山林濁醪廳 庶 獲相從以盡平日所欲面叙者紹與元年九月其再 如老者開放也 被誤恩永乏政府具奏天下之勢先平內冠然後經畫 承進位貳卿想惟慶慰常觀范蔚宗有言三代為将 養送殘年幸甚念如元用今日謀臣富有春秋不應 樂仰承聖度開納初遣大将削平羣盗擒禁鶩者誅 與 折中古書

道 賀 殺乎項見遵正先太尉總兵數十年以去殺隊残為 一祭都天一帯城寨愛惜財力為務軍前折服姚醇 家所忌而敢氏累葉以功名顯宣非用兵能以殺 存皮骨比得秋凉方有何安之望天台寄居眾多無 大病之後氣血虚弱初感寒瘧繼作痢疾一夏伏机 其用刑太深慶澤所鍾蓋未易量也軟以此為左右 何伯恭書

當不想像而馳神也 僧寺駐足近於城中華 施 念臨江高隱蘇林雅致喬木翠竹脩然有塵外之趣未 白會稽南門夜别屈指九年念欲少数而相望每若秦 設無不中理盗賊衰息兵民終靖實今日濟時適 盡不逢君是也湖湘士人北來者云下車浸久政事 自古相知之深相會益勘樂天寄元微之詩云閉人 與劉資深書 一草舍蓬茅環堵粗庇風雨 毎

剑庆四库全書

之才也甚承乏已三月矣累乞官祠聖恩未允他非握 手莫布萬一所冀珍愛以副依何之誠 得第增慨歎爾戦袍輕易拜倪不惟與綠衣相鮮公方 服藥各一杯自到此每月釀四五斗雖氣味濃香不速 寵 て、うま 兵厨自有野醪真趣恨不能與晉道相從如尾橋信 中縣轡飛鶴之時吾曹老矣念欲促席道舊而不 既住醖副以荔子新薑皆珍物也其衰年不飲早晚 與程晉道書 1.1. 忠豫集 可

金牙口匠石量 曹蒙枉教聞掖垣之召因本州急促往婺州持書令前 軍肅 何台布在泉南使人田上状幸塵視末永嘉下車之初 風前輩高節今日復見第增欽仰丹却小邦不足 用作大帥横槊賦詩時亦不可乏此也 士大夫力解侍從之名者百無一二豈意難進易退 納繼而以德升書知此書不獲通呈該蒙昭察近 與趙道夫書 大 軍注 安信 乃乃 安廣

安可也中大夫所得恩數與從官不相遠但村居太僻 施 慰懌庭輝以學問取高科以官業登顯仕數年以來遍 不逮也如聞戒塗有日道中尚祈厚自持養以慰所至 雲川别業曾料理否本食之分各有厚薄隨所遇而 遂得請亦未獲具聞忽奉教墨如接晤言區區不任 設然民淳事簡軍糧可以足用地僻少過客永嘉所 戴危今寄居孝義村想日有燕處之樂歲得租米 我 姚庭輝書

赵定匹庫全書 諸山寺可以教陪下風頃歲寄居南京及維揚白釀 也天台勝概朝夕馳想俟八月微凉即單騎一往遍到 意臨造軟爾不成蒙惠雙樽清冽可愛如對故人而 不知可以遷來邑中否 親 居門率已兩月矣地不果濕稍覺疎快衰晚之所宜 風 ط 知以為妙當著玉友補遺一卷自過江以來雖 與賀子忱書 玉

披咏佳篇不能釋手古詩高妙不愧元祐年間作者之 大? 可题 Aster 承問居山中諸况粗安便出處行止非人力所能為吾 科名今日見公住作恍然自失矣 者未易區別也甚承先人詩賦之學以雕蟲未技忝竊 律詩警句可愛如奉天一絕編入牧之集中恐學 日勉疆成詩以謝厚意復蒙屬和感佩尤深兩日來 與張安世書 與劉仲忱書 忠穆集 許

|良可驚歎政車到闘部已久諸况何如先正奏議已領 業尚淹外臺何也念告宛印縣事二十年間凋零無幾 稍健但晚景侵尋衰態增甚蒙諭冬初下訪極荷鄉契 曹隨所遇而安之可也其連年冒暑總兵今歲得開幸 在牙口五人一 冬中澤國宜雪作若乗與一來不異子散之訪戴也區 仲高才學政事高出一時翱翔法從獻納論思乃其職 區縷悉非面莫既 與劉仲高書

為序欽仰大手筆衰老得以熟讀感佩至深 帖石刻甚元豐未侍先考過洛中當聽見温公儀範又 曾至温公故居 喬木尚存鄉人懷想不異甘棠之思名 别之際惘然自失非承欲往針山寓居今領來誨乃知 公也題跋續寄納次温公文集編次甚工冠之以雄 可見前輩之出處立朝之梗概兹承寄惠司馬温公手 稍南浦之别忽忽遂改崴華相從之久相知至深遠 711 111 與馬永卿書 忠陽集

金牙四月石量 必 且奉晨昏為便相距二十里豈可命駕輕出耶 田 亦見念也承愛秋冬間見訪切不須遠來雙親年草 侍雙親在令兄官所都昌雖經兵火而居民不至流 原尤可師仰大年高文大筆當有吟詠否登臨之時 沃壤可愛也陶公太尉廟每至祠下想其英概志在 山居僻左必得玩意書史如昆仲才器人 白縣超左里重崗複嶺喬木嵌映而两山之間皆良 與陳祖禮書 八雖忌嫉

恨 滔 四 . 泳聖澤豈不知幸但干戈未戢而大恩莫報永為憤 軸 爾米十斛以助晨炊杜詩云故人供禄米鄰舍與 抑之乎其平生行陣金瘡在體我老垂白得獲開 正以次繪像特蒙惠示感佩不可勝言頃在陝右有 承從開府公移也建康該惟賛畫軍務少勞神觀 不相遠矣 因兵火失之今再發見如披雲霧而親泰山北 與范正與書 忠赐集 카 屋 退

屯 自 金牙四月月十 境上置寨於彭澤左蠡之間與李成之兵相持踰年再 何方大盜甫平助國家名教使人為善豈小補哉甚幻 頃幾舟四明辱書為即尋亦拜問之後一何在江東 開真定職老云良田萬頃日食二升廣厦千間夜 師道業識解超然絕類雪峯大刹聚眾甚廣人所信 台選政府农农不獲上以便至忽奉來教仰意良厚 與雪峯清了書 卷 ナ

書有因果報應之理每以自警也晚遇上聖出入将相 旅出入行陣十五年所至除殘去害未嘗妄戮一人佛 五六年備歷艱危中間屢乞問退而所請不獲再切 其所見非敢忘意功名然衰年識慮顛錯罪戻滋多止 左右幸希亮察 聖恩處之官祠布衣疏食可以送老伏承存問因以 二年分遣諸将平蕩江湖福建羣盗使民安業乃行 推此語則所何足矣其壮歲在西北塞上親總軍

金好四月五十 義衛聞就斬無地竊以聖朝席累治之運開用人共治 格 譽以為聲氣之先如其者樗機凡資輪国吳取豆養 品淺俗何言素無孝友之高風見知里閉田視 臭味攸同如管絕之深知若王貢之相引敢與齒牙 門從官於拜命之初有舉賢自代之法倘非精誠 秦轉輸方被光華之渥刻章論薦不遺貧贱之交風 謝陳龍圖舉自代故 相

望既然前華之風眷言富貴無相忘肯使朋友之道 召還於釣柄猶懷戀於錦袍伏念其自遠台符變更歲 公之奇節與享上之精忠雖有寸心未施薄効嗟虎皮 一弱質恐累知人誦來字之褒章殆成虛語忽驚題品 '舊學日甚荒蕪雖薦試於劇煩追未聞於殭海况在 鵬程萬里方舊翼以圖南鷦巢一枝正果棲而在 艘重艦交馳整整之旗封豕長蛇首挫堂堂之陣好 及凡庸此蓋其官識度淵冲神鋒秀拔車爾公輔 Jan lider 忠穆集 鉄

金牙四厘 官學洞古今才兼經濟决儒科而張藻風擅文名從士 版 曠 審拜命楓宸陛樂轉寺除音所逮公論食諸伏以某 權貳列鄉之職議刑從恕本欽恤之寬仁懋賞在賢 師門庶然全於晚節過此以往未知所 以服休茂揚政績再瞬即省薦領使權果膺上聖之 馳誠於竿贖固非自棄於門墙忽迁翰墨之記 雌黄而馳譽其敢不益堅操履永副薦楊惟仰 A TITLE 賀大理孫少鄉啟 裁 憐 託

恭以其官淵泉滔潤萬岱儲英趨聖域以甚優蹋亨衙 奚既 伏審光膚唇渥改在雄藩已擇剛辰祭開盛府伏惟慶於 **聚禽之可偶松筠挺節異凡木之空推出處誠繫於重** ストリーニニー 特起會達的代遊選副端春從鷄驚之班握領風霜 任論事有敢言之氣直繩無附下之私賜點横秋豈 入選于嚴近其從游有素辱眷良深於林之私喻言 與華殿院問候故 忠穆集

宣罔既 輕屬任不殊於中外額濟南之要壞號畿左之名邦裹 鄉庠載馳朔部豈謂雲霄之志得施桑梓之邦潔已虚 坐席之温行被賜環之召别雖近侍益懋遠猷其昔處 絳帳以談經範模雖舊東朱輔而無俗孺務惟新豈容 伏遇拜命中震陞華內閣除音所建與論交於伏以某 心願奉一言之教掘衣望履選修百拜之恭瞻鄉之誠敷 賀吳顯謨閣啟

金牙口匠人

容坐席之温行見賜環之召入職嚴近益展散為顏簡 **贖之未修辱緘滕而寵逮永言傾頌莫罄敷陳** 官 帷 審光府處渥榮領巨藩音驛送傳與情允協伏以某 俗觀風雅副皇華之遣承流宣化獨禹循吏之聲豈 熟德傅家材能遊俗自翱翔於仕版久践歷於要塗 金陵之會府號江左之要邦方六飛駐舉之時聚諸 規模宏遠器字軒昂番以疏通之才薦歷劇繁之 賀建康張龍圖啟 愁游表 任

路錯居之眾雲屯萬旅宣無調馥之方暴布百司每勞 官學通倫類識照幾先少决儒科抱經綸之器業早登 修辱緘縢之遠逮永言感篆曷罄敷陳 展付陞華於要近其側聞成命第切於愉愧尺牘之未 審光膺宸綽進防從班成命播聞與情均移伏以其 辦之力爰自下車之始已聞游及之餘宜妙簡於嚴 仕更中外之親震勤勞偏歷於百為夷險不移於 賀姚侍郎除待制啟

山之泉石與讒起謗駭平地之風波賴公議之辯明 官禀氣剛大受材敏通風遭際於昌辰久翔 湛恩之溥博崇職次對九副食諧諒倚席之未温即 審光府帝制祭陟從班郵傅疾馳與情均移恭以其 輕自貳卿之近侍兼参戎幕之 之遠遠永言愧感未易敷 而促召其将從有素於扑尤深帳竿贖之未修辱減 ī 賀中山帥沈待制到任啟 忠湯果 陳 淵源避劇請開樂 翔於膴 宜

金定四库全書 前旒之寒謹直具聞討誤大契於淵裹超拜宜先于多 薦揚中外勤勞蚤著於百為遍歷險夷終始自持於 士眷中山之襟帶控朔部之咽喉出殿大邦副朝廷之 田比 節比趨召命入鄭中震首登文石之嚴從容賜對塞通 重寄兼持從豪為儒者之至榮行觀功業之隆别被 之展慶傾頌之至叙述奚舜 之任其項縁趙佐最荷知憐方大厦之賀成阻賓閉 賀河問帥具述古遷職再任啟 卷六 倘

逢堯舜之昌期服禁職於西清久持從索暢天威於北 心方切於懋功寵陛祕殿之名仍總中權之重載惟雅)倚若長城比上囊封马問琳館與議固難於擇代聖 恭以其官璞玉凝姿桂林挺秀世濟爽龍之盛美並 審光奉齊恩榮遷峻職併昭異數原任雄藩伏惟 竦動 華瞻出鎮大邦雖上觀於遠 暑入参 無政已屬 立於規模手幹化釣好一新於陶冶基很慚疲鈍獲 於宗工該倚席之未温即賜環而促召坐開材館方 11.1 7.11 忠珍集

殚 金灰四月月 嚴壑之英姿素高多士剛毅有敢言之氣特達推獨立 選第切傾依之樣退想鎮臨之服茂膺戩穀之祥伏以 托好樣於聞成命之傳彌切儒心之慶其為鼓舞未易 之風顏中外之游更豈超騰之可後都陽布治敦愷悌 其官天骨韜奇神鋒程秀富淵源之與學早失賢科挺 别台符屢移嚴篇霜臺峻極敢通候問之儀治閩迢 陳 與知建州魏侍御故

贍 豈容即治之優行奉追鋒之召其崦嵫遲驁滿柳衰殘 伏審光曆中制進防上台隆體貌於! 應期陽和在候願護節宣之術永綏福禄之宜 以宜民閩郡承流尚威稜而警俗調和有術寬猛適 解印於湖南復易塵於浙右方祈嚴名入覲中震言 數似之墙阻陪賓謁遠貢十行之礼冒價記曹春序 祇助順華夏交職恭以其官識造幾微氣函剛 賀趙相除左僕射故 弘彩集 一時大勲勞於

金京四月在書 嘯凶引鋒車而逼境謀臣猛将遲回懷不斷之疑謹 智勇獨推為人傑文武兼禀於天資屬上聖之作與践 要途而遍履畴濟中與之運蚤膺爰立之求會逆種之 號行傾顯冊面視位以尊賢其联别累年瞻依有素雖 嘉謨慷慨决親征之策敵兵宵通邊境塵清破蔡之 衰遲暮景阻陪振驚之游而沐浴餘波幸遂潜魚之志 熟先裴令却秦之戦無出謝公已懋元勲冠冢司而浜 永言於幸曷盡數宣 論 功

流之寄載惟雅望播在羣食誦銅梁級閣之辭蓋 之奇作惟鳳閣鸞臺之韶誠萬目之具瞻其託其有年 龍建永言感佩曷罄敷陳 居浸久棲運陋巷帳竿贖之未修眷戀綿袍辱緘滕 林之秀玉堂金馬久順搞藻之才皂盖朱輔暫付 以其官量巡王海學富金麗蔚為學者之師風 光腐磨古出鎮師藩郵傅所聞士夫胥悦竊惟慶 賀知越州暴內翰啟 起移集 擅 承

伏審申命嚴宸領麾便郡除音所建與論食諧伏以某 班 官與德忱恂抱材通敏承勲德光華之胄蚤著令名歷 别 聞召節之頒入選為行之近式符與議益展大猷 帷 風儀寝更歲月兹有親仁之便預深仰德之誠 繁劇之除亟登顯仕报参天府之治進聯卿寺之 浙部之要邦有丹却之福地爰資宿望綏撫黎民 深敷陳問 新 知台州曹大卿 既 敨 基

官 伏審光奉震編祭分郡寄涓辰協吉視事宣風伏以其 言 望某辱知有素為别累年欣聞開府之初獨甚周邦 魏 氣禀中和道滔方大出際艱難之會養膺梳展之 屢落姦邪之膽去同汉點寧薄淮陽居異子年不遥 自即曹雅居言路剛風勁節素傾朝野之心正色 闕行奉紫泥之石過歸玉筍之班益懋遠猷用符與 限拘職守阻造 周中丞知秀州啟 門 闌祝頌良深喻言問 THE PART PARTY 既 知

之望建牙植纛益彰重外之光其追伏海山阻趨賓似 帥兵於殿廬鴈門騰來暮之誤尾橋有去思之念自 審關座對楊被九重之厚眷震廷頒命陞亞傅之崇 以其官學洞孫具才兼冤都山西氣概素高破敵 四明之與壤此當北敵之要衝增秩賜金聊慰借留 功績外威名世有征蠻之異績出則分符於邊間 仍易鎮於雄藩界寵還於舊治除音所至與論均雕 賀郭節使加檢校少傅啟

四月五季書

丐尉退以歸休此蓋其官德量兼容仁襟汎愛絲袍 面 承之湘南方懼點幽之典分符浙右處叨易地之思靦 大二日司 公前 水言於非罔罄數宣 餘生惟會府之劇繁豈衰運之可辨已抗章而怒 再東洪鈞佐國乏賛元之業荷聖明之全度保頼 作與濫逐英賢而進用一塵樞府本兵無經遠 謝 汗顏增愧伏念其家傳朴學世貫寒鄉親逢齊 趙都運改 忠穆集 ニナニ 避

仰 醖 稨 籍如張曲江聞望同孔北海誠心接 審祭奉宸恩移鎮七閩之壤肇開模府俯臨八郡 不忘故舊之情鄰壞相依每借偷揚之助肆令舊鈍 庸厚德鎮浮先器識而後文藝晚陪與運自結主知 **玷龍光感佩良深敷陳問** 歷清華亟登延弼聲猷彌著德業愈隆載惟東學 預用僚率同於慰伏惟其官學通倫類識造本 賀張参政福州到任 啟 既 物極高明而 道 原

伏審光曆唇渥雅任洪極朝廷得人翁爾一時之慶 幾及下車之始已聞歌務之語上寬門肝之憂下慰籍 意雖路門之勘講允賴真儒顧紫境之拊循尤資良收 區 之望其行年老矣報國茂然放承編縛之領処後 吟之苦若保赤子宜推鞠育之恩廼屈大臣往宣至 比苦潢池之盗屬兹綏靖半已凋殘如脱沉疴未絕 賀敢煩記室先在教出感佩良深喻言問既 賀胡樞密啟 緘

風雲而搞藻蔚為王國之華依日月以蜚英迎出廷 並需於膏澤厚德不遺於問退高風念及於衰残折 在位鋒然四海之瞻恭以其官學洞三才智周萬變 風風當託契崦嵫暮景方待盡於山林槎 深敷宣問 談之客豈特受成於将帥又将制勝於邊 自顯禁於法從益簡在於宸表越陛右府之嚴 一威於遠服代天理物行進 位於洪鈞某晚 枿 餘 陲 經

金为四月月

欽定四庫全

書集部

詳校信庶吉士臣瑚圖禮 主事正吕雲棟覆勘

膝 绿 貢生臣趙 録舉人臣素 檙

腃

吟

約目而 200 1.1. 思多來 ·鍾張而降以書名家 以御書晉王義之 召入觀對於建康官既 吕頤浩 擦 惟

度之垂裕者乎今陛下乘中與之運躬撫六師志戡多 **養之為冠而蘭亭存養又其絕筆陛下天縱多能博通** 一多 贞四月 全書 筆畫形似之問者也臣伏思太宗皇帝宸翰之工實逼 資高邁神意自得直出其上非若世人臨做摹擬狗於 如字學一事猶能獨擅天下而傳美於後况於紀網法 祖卒其功伐屢征不庭初未遑服神武既定文德誕敷 眾藝翰墨之妙前兼古人顏如此書雖下法義之而天 二王於時臣下名善書者莫能望其髮解然方繼承藝

竊以為志少保鎮南軍節度使充兩浙西路安撫制置 終無以仰裡聖志尚庶幾及見大勲之集也刊諸琬琰 美又將貽萬世以紹我太宗之懿益有待馬臣老矣念 難期復人業需時偃革則還以人文化成天下實書傳 えこう 兼行宫留守臣吕颐浩謹書 大使馬步軍都總管兼知臨安軍府事兼管內勘農使 跋 **跋范克夫范桑叟范德孺墨迹**

所撰神道碑其平生踐履進退出處具載國史公生四 范文正公幼孙隨其母嫁長山朱氏既長知其家世感泣 金少四月全書 尚書右僕射次曰此禮字要叟建中靖國无年任尚書 子長曰純佑有才識早卒次曰純仁字堯夫元祐中為 右承次口純粹字德孺任至龍圖閣待制元豐末堯 而去之京南刻意苦學富貴貧賤毀譽敬成不動其心 夫守濟南府某為府學生已獲參識元祐九年集英唱 而有志於天下其立朝行己忠言嘉謨見於歐陽永叔

堂得不壞兵亂以來范氏子孫流落幾盡紹與二年四 名公位丞相而德孺知己尤深崇寧初為邠州州學教 月下休德孺之子正與見訪攜堯夫奏叟德孺墨迹相 孺皆當為環慶路即德澤在民邦人懷之黨籍起獨 授學有三兒祠堂益邠州屬環慶路而文正公堯夫德 日濟南日某記 見於字畫矣仍以所記二詩題於卷末紹與二年四月 示放関久之益實元慶歷問士大夫忠厚諒直之風縣

臣事道君皇帝踰二十年今寓止台州獲觀宣和御畫 僕晚生不及識廣陵先生然當與先生之猶子雲雩将 題 特進觀文殿大學士提舉臨安府洞霄宫臣召頤浩謹 念北行之未還望狐雲而陨涕紹與五年二月十二日 熟聞先生之風緊范蔚宗論黃叔度云情然其處順淵 跋宣和御畫 跃王逢原小傅後 卷七

一多灾四年全書

題 員外郎今亦亡矣紹與五年二月十二日濟南吕某謹 字子飛仕至工部尚書死於國事雲字子與仕至虞部 樹雲垂葉壓屋梨花雪照人此詩傳入禁中神宗皇帝 尤工於詩元豐間守官陕右有宿華嶽觀詩云凌空老 王仲至詩十卷仲至名欽臣世為睢陽入博學善屬文 跃王仲至詩

乎其似道淺深莫臻其分清濁未議其方先生是歟雲

學士仲至乃原叔次子也建炎二年八月濟南吕某題 部侍郎坐汉公罷按國史王洙字原叔至和中為翰林 喜之吕汲公徴仲為相薦其才浸擢用紹聖元年為吏 於維揚户部直舎 恍然如昨日光陰易逝良可慨歎景仁早以才幹聞當 建中靖國卒已年僕寓居淄州長山縣邑军朱景仁替 姑蘇以詩送別後三十四年僕寄蹟台州再閱舊詩 跋送朱景仁詩

金分四月 全書

品某題 為省即屢典劇郡所至有聲今為中散大夫提舉臨安 僕政和初為宗學博士有客自丹陽來誦察天啟七夕 諸王調馬圖後丹青引三詩爱其辭語警絕紹興二 承乏政地天放之子佑攜其詩集兩編見訪正月初十 府洞霄官寄居婺州浦江縣紹與甲寅七月已未濟南 日舟行長橋因得閱濟南吕元直題 跋察天啟詩 年

多定匹库全書 危梯凌碧空不與廛問通朝煙翳髙棟霭靄猶從龍選 元符卯年二月初二日夜覽於燈下自恨昔時文字不 睇辨滄海縱觀分岱宗常山與馬耳歷歷在日中良時 **宦業以紹復先人之意某記** 工雖得一等然碌碌行間深可恥也要須激昻壯志脩 詩 跋奪標録 龍與寺閣

招提掛層拳朱檻倚天半冷風閣底回暑畫消清汗危 登臨勿使酒樽空行看五六月下視零雨濛 無停景遠宦如飄蓬汨没困薄領何以舒心腎公餘頻 煌煌文徳門絳殿髙巍巍朔望奉朝謁自覺身光輝 豈易得勿訝金樽滿終期汗漫游醉卧雲巒畔 **躋出好存俯視摩拳亂吾人家東州官學各羁絆兹游** 同候德裕登邠州凌峯閣 宗學寓宿貽謝任宿

とこのうとう

忠穆集

懷魏闕倦官念東歸游子行未已江湖應南飛去就兩 家濟水南舊隱掩雙扉三徑雖就荒松菊猶依依歸數 金りとん 霜風捲霧散天日增光明警蹕轉前路百鳥相和鳴邊 無策躊躇送殘暉 塵暗長淮今歲幸西城野店翠華過縱觀滿簷極豐年 滋味終恐傷和羹干戈幾時休憂國心如酲歸數魏闕 髙廪多薄飯猶香杭哀鈍猶何者厚顏羞大烹鹽梅乏 扈從至西城 道中作

嗟予蹤蹟若飛蓬笑談偃息幸相從有時睡覺驚四顧 醉吟爛賞湖山色即今别來四五年漁養煙艇想依然 一音年曾伴江湖客泛宅浮家煙水潤蘭 旌桂棹去夷猶 念老矣滄洲情勉力謂諸將為時請長纓 恍然身在船意中經管雅協滄洲趣祇欠雲濤破煙霧 盤蘇珠茅開一室宛如畫舫到江南左列圖書右經籍 驅車終歲走塵土夢魂猶在若雲問主人好事誰能敵 次韻劉省元希範題孫伯温舫齊 忠陽集

金ガジセンだ 筆端摘藻飛瓊琚行看乘槎犯牛斗吾知此舍真蘧廬 蕭蕭風雨夜深時憶著扁舟横野渡羨君腹大飽詩書 語調征賦問關恤老孤獨憐撫字謬本計自躁蕪 投分緣心合相從與道供歸途聯實勒佳句握靈珠笑 化誰能測炎凉逈不同馬前襄漢路山色有無中 大暑方蒸濕雲與忽蔽空俄然飄細雨快矣濯清風變 襄城大熱喜雨 和沈和仲同胡少汲河朔道中

古邑西門外煙村遠市廛呼鷹白草際調馬緑楊邊持 古邑吾鄉開開居况可嘉膏腴環百里市井簇干家南 嫁朱陳比交游管鮑同南枝真可戀倦翼厭樊龍 色連三徑槐枝軍一堂挂冠他日事投老此徜徉 出郭遥墙路行行到舊莊春深楊葉開雨足稻花香草 郭連山色東郊接水涯秋風故軍路縱目賞荷花 鄉黨吾兄弟家居孝友風北堂詣力養南畝幸年豐婚 懷臨濟舊居四首 忠谬集

儒林從昔謁英猷蚤步事僭孰比傳四坐俊翹環策府 鼓三更漏牙籤六藝文游心通二典刻意究三墳玉殿 **春聖崇儒治嚴宸夜已分講論經理切納釋帝心勤銅** 南東西路離家五六年永懷豪横樂半老尚依然 後寒月楓庭鶷慶雲邇英如風蹟所學獻吾君 時名位冠瀛洲九色丹鳳標文采五總靈龜擅智謀 家學書懷 元祐甲戌二月省武夜分論經理詩以題中 韻平

金牙匹尼人言

窮經投老變書溫兩鬢塵埃老欲侵滿院好風夾日晚 誰謂腐儒何所用試將肝膽報知音 東觀退朝何所似廣文詩徒欲凌秋 宦塗忽忽六周星萬事於今一未成但著青衫趨冉冉 くこう 不知華髮欲並並驅馳翻憶林泉即頑鈍宜歸畎畝耕 庭球雨夜堂深十年塵盆無高步萬里雲霄有素心 有鄉人端契誼相逢時慰寂寒情 ! 感舊書懷 忠穆集

一多 片四月 全書 雲途今日異升沉為鼠抗之則在青雲之上抑之則雲途今日異升沉原注范蔚宗云用之則為虎不用 難忘報國心木落為雅秋復盡惘然懷抱寄幽吟 即凡二年而和仲以侍郎被召青山豈之歸耕路白髮泥塗之下某與和仲屢联轡按青山豈之歸耕路白髮 扁舟隱隱馬駸駸重到燕山感念深水陸共時同偃簿 李希中社故門下侍郎邦直次子有文章器業 雄州道中寄沈和仲侍郎 曾任淮南兩浙轉運使及江淮發運便靖康元 年三月僕寓維楊将開元寺見公題名感縣成 則

經濟才高英緊盡感恩無淚向東風原註希中有第在浴 當年對策大明官會見揮毫氣吐虹楚客才華推宋玉 漢儒文賦許楊雄淹濱墓木皆成拱洛內池臺半已空 香寺故人來話别一 くこうい 兩行煙柳送歸舟麤官自不隨時用拙宦安能為己謀 春光冉冉過皇州桂棹東歸汴水流湍岸風光連別浦 詩 離京師 樽清酒散牢愁 忠穆集

老去哀運懶據鞍王帳夢回烽城晚水鄉春盡鐵衣寒 别情 馳聲暫分雷土三年政行看雲衛萬里程顧我飄達非 學士文章早擅名科嘗為館職文名甚者大夫官業久學士文章中擅名原注景仁兄伯元中甲 去歲乘桴暫得関忽騰三命促登壇向來殭健思投筆 **夙契辱公何益若平生尋蹤曾醉姑蘇酒水遠山長馆** 金少以是白書 送朱景行 次韻台守晁子莫見貽

過人歌詠願年豐焦枯已有生成意膏潤全歸造化功 吾皇怨惻念三農聖徳昭昭格昊穹丹韶丁寧祈雨澤 依棲還傍故人來青蒲諫諍推公望皂益承宣屈大才 **拜橋傾益暫徘徊自渡江南蹟屢陪哀謝未能高隱去** 但恐政成公促召異時懷抱向誰開 海山深處幽棲地為我經管貯 次韻陳國佐喜雨 次韻台守劉仲忱

大記の事 なかり

忠穆集

金好四月月十二 竊食太倉真厚幸况聞湖外奏庸公 宗社有靈天梅禍尚期 維揚傾益意相投國事當時己共憂鐵馬勤王會並轡 勉力功名扶帝業臨風何用馆離情 擬將孤劒斬長鯨漢中險阻真堪據關內安危擊此行 子房雲喬擅英名位冠樞庭獨本兵每慎中原淪半 我衣護聖每同舟山西氣緊終須在塞北煙塵漫不收 送張德遠宣無川陕二首 戰婦邊愁

多謝故人情意厚住篇惟待細書紳 ランコー し ここ 屬難何羨佩鉤人中年東鈍難堪事一跌支離近浹旬 昔祭幕府事從軍躍馬翻納犯塞塵舞納未饒横望客 四十年来無此作追今 珠從驟頷探来珍越羅蜀錦工誰擬陣馬風檣勇莫倫 久欽文采動簪紳晚見住篇妙入神金自鷄林酬去貴 謝劉仲忱寵惠詩編 次韻崔彊恕墜馬見貽 四自 記多華 上野城唯陽今繼少陵人

幸有會稽棲隱地約公歸老釣魚船 金与四月在書 祠宫関退蚤輸先欲陪清會時颙首辱惠新詩思湧泉 彩牋時見賦新詩清宵好月穿蓬戸落日凉風動桂枝 維揚初記接英躔日月飛馳己十年政路翱翔常在後 兩鬢霜毛如舊少按經無意望鍾期 仕途憂患久相隨老去求開遂燕私隴笛不聞吹舊曲 次韻姜光彦移居 次韻盧虞卿樞家見寄之什


眼前都是好風煙 肯為長樂棄短樂 載燈前筆下耕如今馬塔幸題名他年若遂平生志 風蕭瑟動疏簾細雨霏微拂畫簷籬菊半開家釀熟 年兩度到秦川每憶東歸意浩然何况驅車度報澠 偶成 行次渑池道中 登第後道中燈下讀書 い多に † =

欲将瑕翳掩前功横行匈奴中為 暖律渾如洞府春 多定四库全書 至後光陰爭一線竹軒小閣獸爐新捲篇勝放冬曦入 自輕生理勝胸潜 排危盛氣冠英雄逆耳忠言悟沛公何事時人太求備 承乏河北東路不得為天平之将偶成小詩 重和改元冬至 題樊將軍廟 飲注 古詩 沽 酒 六 31 的 非以 潜 僧 噜 须

清暉堂下相從夜見就在橋自昔游别後不知能幾日 |夢想天平紫府開却嗟匏聚在銅臺山靈有意僧塵俗 欠日日至 こう 却來橋上緊扁舟 不許尋芳暫到來 可憐名宜阻相親 汀野岸清宵月偏照達總不寐人遥想塞垣千里共 寄劉聖可楊如晦賈習之三首 沈和中殿撰胡少汲龍圖 忠穆集

北山通客今何在西塞從軍各未歸欲訪草堂尋舊隱 金少口周至書 稻酯初熟鵝兒色金橋方包弹子新寄與鄉朋供 恐教樣鶴設依依 扁舟深入水雲鄉浩渺渾疑带遠江蓼岸阻風還度日 夕陽依約照逢牕 棒鶴應笑獨醒人 新酒金橘寄李德升 舟次魏村阻風 をと 醉

覺來聊且看閩山 誰家方響聞鶯聲恰似年時在帝京寶馬金鞍芳草路 とこりき 丹心憂國夢魂間祇恐清霄亦未開枕上幾回游魏闕 秋蘭馥郁有幽香不謂無人不吐芳最好移根来一室 教潘鬢二毛生 夢室 蘭室 真定城中聞鶯聲方響和買明仲 2.1. 忠寥集 上丘



扁舟垂釣漸江南 弟兄交契比雷陳白首相看意轉親收拾肚懷同老去 鳴鐘列的心無累站糗羹熬樂亦全解把窮通為 てこう! 霜毛一别各毯毯與味年来老不堪横槊赋詩休塞北 此生何處不超然 塞塵踏盡鬢如絲 咸平岸下分襟日襄邑亭前把臂時十載光陰驚 襄邑道中贈孫天子子禮三首 忠害真 一等

金切四月在書 雙柱亭亭傍竹齊窓前會見緊花開它時釀入椒漿後 |鑿沼因方類介主雨餘泉石轉增輝排空恨乏乘風行 **围图雙柱拂茅** 香逐和羹湍座來 江舉他日幸相隣 去傍滄浪濯我衣 圭沼 桂衢二首 **歴幌疎櫺盡日開會待髙秋風露下**

此君瀟灑緑筠抽直幹凌雲碧翠浮想見風枝陪宴坐 囊封草就告嘉猷 清香飄泛月中來 葉田田聚緑雲黃金花 橘亭 荔枝亭 竹亭

一 銀定四庫全書 暑途白晝後超程月暗泥深夜阻行却美野僧無一 門外行人因鬱蒸不知蕭寺有溪亭暫鋪水簟閣伸 董風炎暑際丹苞萬颗聚繁星 水品絲雪舊馳名旗荔枝譜 珍重移來近野亭看取 布衣疏飯任平生南有山 枕清風干夢醒 題汝南縣紫溪亭二首 項為河北東路常平廳事後有便坐廳兩檻植 溪 事

清風應為故人來 昔年官守在銅臺兩艦球篁手自栽勁節濃陰還在否 欠己の声 二方 片蒼崖璞孕秀自天鍾渾如煖煙堆裏乍放力猶 詩餘 水調歌頭不件觀 此解有書国回信寄一絕 森鋒遂成茂林友人郭仲思當為本路提刑寫 竹春時僕别哉新竹去其舊本後二十年脩 北京注地 忠穆集 慵

莫怪作詩手偷入錦囊中 蟾影淡朦朧 疑是犀眠海畔貪翫爛光彩精魄入蟾宫發墨陰雲妒 與問元工那用牧童鞭索不入干羣萬隊扣角起雷同 ヨラモノ 為山項戴生華寫難躬些兒造化憑誰細 卷七

欽定四庫全書 當為鄰令叙河伯娶婦事甚詳豹發民引漳河水 忠穆集卷、 7 渠引河水淮民田當時民治渠老少皆煩苦之 雜記 可與樂成不可與愿始今父老子弟 與魏雜記 五里科園鎮有西門豹祠堂史記載西門 とり多ま 宋 吕願浩 撰 豹

號朝歌墨子回車此地也 欲合三渠為 不可更也長更終不能易故西門豹祠至今祭祀不絕 百歲後期今父老子孫思我言其後民果得其利家以 京真定府西至獲鹿縣七十里人九十里至井陘縣 (至漢時都之長吏以十二渠橋相比近經絕馳道)州境上有朝歌城傅曰里名勝母曾子不 十里井陘口有 橋都民父老皆不從曰此西門君所為

金分四层石書

卷入

進兵走至井徑口三十里止舍此其地也韓魏公題詩 明荒祠尚松照問道澗水空傳哽咽聲 井四口按信傳信道人間探陳餘不用廣武君策乃敢 君於泜水上今泜水在其北伐趙由井陘路入僕當過 真定府南三十里道旁有趙王廟破屋數間僅庇風雨 實史筆加証貴有名功盖一時誠不冺恨埋干古欲誰 云破趙降與漢業成免亡良大日圖烹家僮上變安知 其碑非趙王歌乃成安君陳餘廟韓信傳云斬成安 ラミこう

李邑以文章氣節聞天下字畫九工李橋張廷珪薦邕 童時嬉戲於木下所說與蜀志所載客相合 涿州西南二十里有蜀先主廟以關羽張飛配鄉老言 得成列真控犯之地使陳餘納廣武君言信安能越井 文高氣直當為北海太守天下名為北海李林甫素所 祖父相傳先主故居也廟左右大水環統云先主為兒 **徑破趙哉豈歷數歸漢人謀不能支耶** 并經縣今天威軍是也李左車所謂車不得方軌騎 金发口屋石量

源有根柢人云干謁走其門碑码照四裔今邕碑見於 風容指漢武帝言也今長安西有茂陵古塚巍然乃漢 世者尚多燕山府良鄉縣有邕所書雲麾将軍李公神 不喜道羅布與殺之杜甫作八良詩云憶告李公存詞 武帝陵墓人云魏官牵車指十里此言魏武帝遣人 **唐李賀金銅仙**人 惜也)砰筆勢豪放九可爱重金人不學書不知碑之存亡 一群漢歌造語奇特首云茂陵劉郎

之野馬羣遂空今河北冀州不產良馬此所謂冀北者 古云馬出真北故韓退之送温造序云伯樂 疑今秦州是也按隗嚣傳漢光武遣 西山耳所謂金銅仙人安在哉 縻居民繞數十家 音時官殿化為荆棘所見者干份之 **鈆水此語九警拔非撥去筆墨畦徑安能及此世傳金** 金銅仙人於都也人云官将漢月出宮門憶君清淚如 銅仙人被遷日有淚下事雖不經亦可駭矣今鄴城荒 過其北

一多定四庫全書

提舉茶馬司凡中國戰馬皆自此路得之豈其地耶 軍退陳元遂入城迎萬歸其今秦州接連與河州及青 雖當以職事到春州然未詳所以君子於不知盖闕之 唐羌界乃自古産良馬之地宋朝以茶易馬於秦州置 欠二可臣 二方 以竢博古者考馬 入名府留官門街東有何公德政碑乃魏博節度使 浴砰也柳公權撰并書公權書畫冠絕當代文宗當 忠廖集 何

将妻子奔西城州上却縣及點将陳元等決圍死戰漢

筆 歎美其書曰鍾王無以尚也當是時大臣家碑誌非 杜牧罪言以謂山東之地王者不得不為王霸者不得不 恨可惜也 事宣和年間内侍譚禎奉 一餘年民安之 一碑樓極宏壮故歲久而字不說缺按唐史進治治 以子孫為不孝此碑字大而九為端謹嚴重魏 猾贼得之足以致天下 後累遷檢校司徒同中書門 使河朔遂磨滅此碑邦 悄

金グロだ

1:1

多材力重許可能卒苦敦五種習兵矢又産健馬下者 者盖指太行山言之今河北路州軍皆山東之地也故 檢者送京師而朱克融在籍中於時军相崔植杜元顏 失河北地至穆宗時两河底定朝廷悉收三鎮而劉總 日馳二百里所以兵常足以當天下唐自安史之亂 以幽冀七州厭於朝且懼部将為亂乃先籍豪銳不 曰禹畫九上曰冀州程其水土與河南等其人沈熱 知兵謂潘鎮且平不復料天下安危克融等羈旅 7 起膠集

金次世屋月 **躓願得官自效日訴於前皆抑而不與及遣張宏靖為** 宅府城有廟那 **湜有言音者神尭以一旅取天下而後世子派不能以** 盧龍節度使縱克融等還俄幽州亂推克融為留後縱 忠厭韓王趙普保州人相太祖太宗開基創業謨謀行 兵南掠自是復失河朔終唐之世不復得河北矣皇甫 事具載國史公於真定府居今真定府大會院乃其故 天下取河北盖痛慎之辭也 奉之甚謹真定府乃常

是也豁乃武俊之孫 **嬉将令真府使解雄風冠於河北** 末諸鎮相弊於戰圖而趙獨安樂王氏無事飾亭宇事 軍節度使治所王鎔承祖父百年之業士馬殭而蓄積 厚為唐世潘臣鎔承龍年雖少籍其家世以取重方唐 北江南府治後有潭園圍九里古木參天臺沼相望祭 里居民繁無佛官禪剎掩映於花竹流水之間世云塞 知府日拆王武俊德政碑樓於園為廣厦今照春閣 7 1.1. 忠多集 路府城周圍三

山山大半陷敵境移廟於中山府曲陽縣縣在中山府 乃出兵討盧龍節度使劉仁恭時留題也 陰縣封金天順聖帝南嶽在潭州衡山縣封司天昭 東嶽廟在兖州奉符縣封天齊仁聖帝西嶽在華州華 有李克用題名云克用親領步騎五十萬問罪幽陵 七十里封安天元聖帝殿前有一亭沈括筆談載亭 **教在西京登封縣封中天崇聖帝惟北截在大茂** 字誠之少擢進士第燕資文武有經濟才仕至

金河四层

光蘇軾蘇轍方以言王安石新法不便於民被譴師中 何天生愚臣盖謂聖世文武之道識其大者是時司馬 知河間府治邊有威名那人畏炭至今欽須元豐年間 因言願詔司馬光軾轍赴關條問急政神考批出云李 天章閣侍制當為秦鳳路經畧使高陽麟路安撫使無 上書其大縣云皇天改容比屋咸慶當此之際不言謂 王安石變更祖宗法度會有災異神廟詔求直言師中 朋邪罔上愚弄朕躬撫其姦誣所宜不赦遂落職

フューラー

此又曰臣謹當刻骨銘肌研精軍思須一時之威事無 易衰之柳既已分於先顛難核之葵終不移於所向伏 遇皇帝陛下還臣舊物分務别都便臣家私許在汶上 爰持此心以事陛下以憂國為心故有二三之論以爱 竄逐後歲餘神考感悟乃令分司南京鄆州居住其謝 有田園衣食之計更欲何求雖天地父母之恩不過如 君為志故無喜慍之私進徼卓爾之能退守浩然之正 表云伏念臣抗疏仁朝早囊猶在受知先帝訓誥具存

金定四月全書

赵八

終清廟之聲詩告三代之成功敢後泰山之父老 夫子不生還此詩士大夫莫不傳誦在馬陽關有詩云 英俊顏何厚未死姦諛骨已寒天為吾皇宗社計肯教 件仁廟被責誠之以詩送行云派忠自許泉不與獨立 李師中文章外詩什尤髙嘉祐間唐介于方以言切直 とこする こう 士大夫讀其文者莫不嘉歎而憐之師中汶上人蘇軾 九尊禮之軾與交将書云李六丈者謂誠之也 八所難去國一身輕似葉高名干古重於山並将

賈昌朝除武勝軍節度使判大名府妖人王則謀舉大名 鑑中雙鬢已蹉跎無計重揮却日戈已是園林春欲暮 那堪風雨夜来多詩成白也知無敵花落虞兮可奈何 發昌朝所部至遣大臣乃能平 服則以事急遂據貝州反昌朝遣兵進討而朝廷已發 及河南北使其黨投檄於大名昌朝疑其為姦考問具 (討賊平之移昌朝山南東道加檢校太師楊偕言賊 闕 有罪不合賞朝廷不從

金沙口万

宦官乃出知許州改左僕射觀文殿大學士判尚書都省 **売年六十八歳諡曰文元** 平章事為極密使三年諫官御史言昌朝别為客位以待 師 趙師旦單州人項知康州儂智高叛既破邕州列城長 城蘇賊入城師旦坐廳事智髙麾兵而入欲齊師旦降 吏望風奪城通惟師旦聚兵三百人與賊血戰康州無 偕言嘉祐元年以樞密使召罷侍中而以同中書門 旦罵賊被害賊平朝廷恩數甚厚 7 起寥集

置三河縣由是幽薊之人始得耕牧而輸的可通至晉 幽州東五十里築城皆成以兵及破赫邀等又於其東 後唐莊宗之末趙徳鈞鎮幽州於鹽溝置良鄉縣又於 易州又陷於契丹環地千餘里淪於絕漢不復為王民 儒武寰一十六州以入於契丹至本朝太宗皇帝 石敬塘即位割幽州涿薊檀順瀛莫蔚朔雲應新為 北京隆與寺佛殿西極簷下有魏官弹暴局魏文帝時 可勝歎哉

金分正尼

泉湧出於地泉底皆碎石清澈可鑒鬚髮浸灌十餘里 敖識存馬王欽臣賦詩云鄴城臺殿付塵埃王局依然 學善屬文九工於詩 抛紅子埋沒惟斯近紫苔此藝不傳真可惜摩抄即記 獨未及妙手 再看来此局因沈猜中為判漕進入禁中不復見矣弹 州共城縣北門外三里羣山聳秀壁立千仍山下衆 藝今亦不傳於世飲臣字仲至仕至吏部侍郎 弹那復得齊益當日為誰開飄零人己 出多集

路御 城由恩州接塘泊以通漕連紹聖以来大河行河北 凌可歎也 匯為御河元祐年間黄河行河東北路自大名府東流 入永静軍由籍州至獨流寨入海故御河之水入北京 河自滑州入曹州廣濟軍濟州注梁山泊至南清河 州城堅池深與安肅廣信軍犬牙相制以捍北邊 入海今南河故地變為桑田詩云高岸為谷深谷為 河水灌太河漕運遂不通自中原陷沒堤防圯壞 西

金グログ

然銘漢德百年忠慎遣人愁時韓子 ध **照簷頭立功慷慨思投筆衛已平污耻飯牛 治遇州池壘深高北控幽歌岸綠楊浮水面街山** (儒李洪巨川有詩題清風樓先公属和云祁 '顛有清風樓元豊年間先公為本州司理是時 遂約薦 附 從祀高宗廟庭省劉 **所無權禮部尚書** 華絲即中山路

一多定匹庫全書 守中書舍人無直學士院無同修國史李獻朝散郎 侍郎劉決瑞朝請大夫試給事中兼修王牒官王信大 朝奉郎武尚書户部侍郎常常中奉大夫武尚書刑部 葛邺中奉大夫權工部尚書兼知臨安府韓彦質降授 尚書字文价翰林學士正奉大夫知制語無侍講兼修 右諫議大夫謝諤朝奉大夫充敷文閣待制提舉佑神 國史洪邁通奉大夫權刑部尚書無侍講兼太子詹事 大夫中書舍人無詳定一司物令所陳居仁中大夫

憲孝皇帝天錫勇智紹用中典撥亂之熟同符於藝祖 觀吴琚朝奉大夫權尚書吏部侍郎章森中 处已回声公与 揖遜之徳光婉於唐尧一時将相名臣著在奏鼎宜列 講鄭僑准尚書省劉子奉聖旨令臣等詳議勘宗聖神 尚書兵部侍郎林栗朝散大夫守起居舍人無太子侍 侍太室序於大烝丕昭雋聲式協舊典伏見故军臣太 文武憲孝皇帝祈廟配享功臣者恭惟高宗聖神文武 師素國公益忠穆召頤治再登鼎司能對大事主盟義 忠穆集

常而秉心忠勤始終一 茂馬特進觀文殿大學士臨忠簡趙非智慮湛明學識 荆棘以立朝廷禦侮鄞川靖冠江左功名之威溢於於 義勇横秋建炎勤王投袂奮發連營淮楚虎視無前名 をかて 實再的斯民具膽太師斯王諡忠武韓世忠身更百戰 固北邊受敵力精親征國本未正建萬世之長策望 諸軍至今落膽大師循王盜忠烈張俊策朔霸府披 日虞淵訖於藏海無沒復安宗社艱難之除厥 節四人皆有名節見稱於世宜 功

光堯壽聖憲天體道太上皇帝明辟編類到勤王事跡 如明詔伏請並配享高宗廟庭謹議三月十七日三 臣搢言臣近者轍以先臣頤浩向来倡義統諸将乞復 同奉聖古依右劄付故太師吕函公本家 及當時印下勤王檄書 へ集共へ 附 八件投進乞降付兩浙轉運司鏤版伏家聖恩 吕播謝表 軸并先臣頤治家傳及遺事

九三司甲八十

不以臣為僣率恕其萬死親灑宸朝特依所乞者衛

忠修集

土

替之愚其騎淵沖之聽肆煩俞訓式慰孝思稽首拜恩 時之輕重遑恤身之存亡追往告以未遥德音容之如 銘心流涕臣授誠惶誠懼損首損首伏念臣先臣順活 在残編粗憐偶會萃以成書微跡可尋敢從容而奏御 後聲素蘊以事君取日而授五龍傳檄而定四海獨任 **蚕絲自奮從除多數建炎以来誓丹表而許國渡江而** 輸忠欲稍伸於先志立言行事懼寝後於前聞報陳狂 J. r許鋟版以流傳徒撫躬而震惕が

容此盖伏遇皇帝陛下業紹不圖恩隆庶位爰念數庸 除克紹仍形於褒詔更使遺言之未隆益知聖度之無 任感天尚聖激切屏營之至謹奉表稱謝以聞臣搢誠 後曲加體貌之優曾是襄遲亦勞顧恤父有作而子 誠懼損首損首謹言 朝與故家之數録用已需於寵私遠重書加廷阁之 八所欲而天從臣敢不仰副簡知俯弹勤瘁大書於 門存及之崇移忠於君酬千載遭途之幸臣無 NI THE WALL

